

LENANEO LA SARS LA GO YA GO ILE LA RIBOLLO KA BOITHAOPO

Tshwane, 30 Nofemere 2022, Ditirelo tša Motšhelo tša Afrika Borwa (SARS), go ya ka Molao wa Taolo ya Motšhelo wa Nom. 28 wa 2011, o dirile dipeelo tša Lenaneo la Ribollo ka Boithaopo (VDP) gore le hwetšagale go ya go ile go batho ka noši bao ba khwalifayago, khamphani goba trasete yeo e nyakago go ribolla ka boithaopo le go rulaganya merero ya bona ya motšhelo. Kgato ye e sepelelana le tebo ya leano la SARS, leo le holofetšego go fana ka hlathollo le tiisetšo gape le go nolofaletša balefela motšhelo le bagwebi go obamela boitlemo bja bona.

SARS e rata go hlohleletša balefela motšhelo ka moka bao ba sa obamelego merero ya bona ya motšhelo, go ikgokaganya le SARS ka Lenaneo la Ribollo ka Boithaopo. Ka go itšweletša ka boithaopo, balefela motšhelo ba ba bjalo ba tla amogela thušo le keletšo go tšwa ka SARS go phethagatša tharollo ya kgopelo ya bona. Fao go ya ka tshepetšo ya yona ya nyakišišo SARS e ka utullago go se obamele, e ka se sa fana ka sebaka se go balefela motšhelo bao ba sa obamelego eupša e tla tšea magato go ya ka magato a molao go šomana le go se obamele.

SARS e tloga e ikemišeditše go phethagatša tebo ya leano la yona, ye e lego go tšwetšapele obamelo ya boithaopo mola e fokotša ditshenyagelo tša obamelo. Go fihla bofelong, re nyaka gore balefela motšhelo ka moka ba kwešiše gore ka mehla ba na le sebaka sa go rulaganya merero ya bona ya motšhelo. Mola obamelo ka boithaopo e le kgetho ya rena ya pele, SARS e loutša bokgoni bja yona bja go kgora go kgesa le go thatafaletša ka ditefelo go balefela motšhelo bao ba sa obamelego.

Balefela motšhelo bao ba nago le hlokologo ya metšhelo le SARS gomme ba rata go fiwa kimollo ya dikotlo, gape ba efoga kgonagalo ya kotlo ya bosenyi ba ka ribolla ka boithaopo merero ya bona ya motšhelo yeo e šaletšego morago. Tlhokologo ya metšhelo, dipušetšo tša motšhelo tša go fapano, go romela tshedimošo ya go go se nepe goba ya tlhaela goba go palelwa ke go romela tshedimošo go SARS yeo e kgopetšwego ya mabapi le mohuta ofe goba ofe wa motšhelo wo o laolelwago ke SARS, go sa akaretšwe makgetho le di levi tšeo di lefišwgoa go ya ka Molao wa Khasetomo le Motšhelophahlogae, 91 wa 1964.

Lenaneo la Ribollo ka Boithaopo ke sebaka se se kgethegilego sa balefela motšhelo bao ba hlokologilego obamelo go obamela merero ya bona ya metšhelo, SARS e hlohleletša balefela motšhelo bao ba amegilego go diriša mokgwa wo wa semolao.

Balefela motšhelo bao ba sa obamelago bat la fiwa kimollo ka fase ga lenaneo ge eba kgopele e fihlelala dinyakwa tše di latelago:

- Ribollo le swanetše e be ya go ithaopa;
- Ribollo ke ya botlalo gape e feletše ka ditlabela ka moka;

- Ribollo e ama go se obamele mo go sa diregago mo mengwageng ye mehlano ya ribollo ya go se obamele ga hlokomologo ya go swana;
- Ribollo e ama maitshwaro ao a šupeditšwego ka fase ga tafola ya dikotlo go Karolo ya 223 ya Molao wa Taolo ya Motšhelo;
- Ribollo ga e phethagale ka tefelamorago ya tšhelete ye e swanetšego go lefelwa ke SARS; gape
- Ribollo e dirilwe ka mokgwa wa ngwalelano le tšweletšo.

Ba dira dikgopelo bao ba holofetšwego ba ka dira kgopelo bakeng sa VDP ka SARS eFiling.

Dikgopelo tše di tšweletšego tša VDP di tla phethagatšwa go ya ka tumelano yeo e tla akaretšago dilo tše di latelago:

- Dintlha tša go hlokomologa obamelo di ribollotšwe ka moka;
- Palo ya tefelo yeo e lefelwago ke molefela motšhelo go akaretša kotlo ya se laodiše ka moka e laetšwa ka go arogana;
- Kimollo e filwe ke SARS ka fase ga Motšhelo wa VDP;
- Dipeakanyo tša tefelo le matšatšikgwedi go ya ka motšhelo wo o lefelwago; le
- Ntlha ya gore kimollo e ka gogelwa morago ke SARS ka morago e tla laolwa ke gore ribollo ga se e fihlelele tiišetšo le ribollo ya go felela ka fase ga Motšhelo wa VDP.

Go hwetša tshedimošo enngwe, ka kgopelo ikgokaganye le SARSMedia@sars.gov.za goba lmeilela: vdp@sars.gov.za goba Letšetša: 0800 864 613.